

# De Provinzljunta en Palai

De trèffen va de Provinzljunta aus sitz gea' envire: en vaira as de 6 van schantönderer hom se se zòmmetroffen en Palai en Bersntol. Za nemmen u' der president Maurizio Fugatti, de vicepresident Francesca Gerosa ont de öndern provincial assessorn sai' gaben der pirgermoaster, de gamoa' assessorn ont ölla de derselbstn van lont abia de vraibellega pompiarn, de karabiniare, de balderiberschauer, de Palaearlearmusikantn, de vraischöft Mulino Lenzi. S sai' aa gaben de pirgermoastern van Bersntol ont va Valisn, der president van Tolgamoaschöft Hoa Valzegu' ont Bersntol, der president van Bersntoler Kulturinstitut, der president van Höntbèrk van Hoa Valzegu', de derselbst en van Autoritet van Sprochminderhaitn.

Der President Fugatti hòt se padònkt pet en pirgermoaster ont de vil lait as sai' gabenont er hòt tsöck as de trèffen va de Provinzljunta asn ourt sai' bichte ver "za versterchern s klöffen ont s zòmmòrbetn pet de lokaln gamoa'schöftn". Palai ont s Bersntol sai' kemmen tschérkt ver en projektn van PNRR as hòt voor naia órbetn ver za derhòltun s bersntolerisch, gilt gem en de lòntschoft, bider bërt gem en de pahalter ont en de storische ölderver ver za meing sa verzinsn, verpessern de nètzn va zòmmpint, schupfn der tourismus der nochhòlgeverpesser. An verpesserplan as hòt der zil za mòchen bider lem a dorf runt bichte ver de inser Autonomi, propre ver de sai'na ausönerkaitn.

letratt Druckont PAT



# Vernaiert de toalnemmer van Klöfftisch ver de sprochminderhaitn

Ver za schitzn ont za gem bërt en de sprochminderhaitn va de inser Provinz, s gasetz sok as sai' runt bichte de strumenti as gem informazion en de lokal sproch abia de television, de piacher ont de zaitung. Ver za tea' dòs, en 2012 ist kemmen gamocht va de Provinz der klöfftisch van sprochminderhaitn as hòt der zil za veròrbetn de projektn as de kommunikazion ont za versichern der prach van sprochen minder kennt as projektn, temen oder iniziativ as kemmen tschérkt. Der artikl 23 van provincialgasetz numer 8 van 2006 (s gasetz as schitzt ont as gip bërt en de lokal sprochminderhaitn) sok as de Provinzljunta nimmp u' an programm ver za verichern de informazion en de sprochen minder kennt. Iaz, pet de mosnem numer 1980 va de 6 van schantönderer, de Provinzljunta hòt vernaiert



de na'm van toalnemmern van Klöfftisch van sprochminderhaitn.

De toalnemmer van Klöfftisch sai' kemmen vernaiert en 2020 ont en 2022. Der Tisch ist iaz asou gamocht. De toalnemmer sai': Elisabetta Sovilla, viareren van Dinst van Sprochminderhaitn ont de ausbendegen nètz, abia regiatur van Tisch; Evelyn Bortolotti, vourstea'ner van dinstn va de sproch ont va de kultur van Comun General de Fascia ont Sabrina Rasom, viareren van Istitut Cultural Ladin "Majon di Faschein", techniker vourstelln ver de ladiner sprochminderheit; Claudia Marchesoni, viareren van Bersntoler Kulturinstitut, techniker vourstellte ver de Bersntoler sprochminderheit; Willy Nicolussi Paolaz, viarer van Kulturinstitut Lusérn, techniker vourstellte ver de zimber sprochminderheit; Giovanna Chiochetti, en plòtz van viarer van ompt ver de Sprochminderhaitn va de Autonome Region Trentin ont Südtirol, techniker vourstellte van Dinst; Giampaolo Pedrotti, vourstea'ner van Druck Dinst va de Autonome Provinz va Trea't. En tisch mein kemmen inngalont za nemmen toal vourstea'ner va dinstn öllgamoäomtn oder auskennetamentschn en sektorn as kearn en de iniziativ as meing opfern s sai' bissn.

(lg)

# DER NIKOLAUS KIMMP ZA VINNEN DE KINDER



C'era una volta un uomo molto ricco che viveva in quella che oggi chiamiamo Turchia... Si chiamava Nicolò, o Nicola, ed era un uomo molto generoso e amava i bambini. Si racconta che un giorno salvò tre giovanissime fanciulle molto povere che non potevano esser date in mogli perché prive di dote; le fanciulle e il padre piangevano disperati e San Nicolò impietosito dai pianti e commosso dalla loro sofferenza, decise di aiutarli donando tre sacchetti di monete d'oro, uno per ogni fanciulla. Una notte introdusse il primo sacchetto attraverso la finestra aperta e fece lo stesso con il secondo sacchetto la notte successiva. La terza notte, avendo trovato la finestra chiusa, calò il sacchetto attraverso il camino, regalando alla povera famiglia una gioia infinita. Si dice anche che un giorno venne a sapere che in una città lontana, a causa di una terribile

carestia, c'erano moltissimi bambini poveri che rischiavano di morire di fame. Comprò così frutta, farina e zucchero nel mercato del suo paese, caricò tutto su una grande nave e salpò verso quella città. Una volta arrivato, andò a bussare in tutte le case dove vivevano dei bambini lasciando loro un sacco pieno di cibo. E da allora, come ogni anno, il 6 dicembre si ripete la magia ed egli ritorna nelle nostre case e distribuisce i doni a tutti i bambini. En vraita as ist verpai en Palai ont en Vlarotz, der Nikolaus ist kemmen za vinnen de kinder ont za trong en schea'na gaschenken. De gschicht van doi haile vònkt u' en 270. Der ist augöngen ka Patara, a stòt va de Turkai. Dòra ist er kemmen pischof va Myra. Men sok as er ist kemmen za bissn as a familia hòt gabellt verkaven drai örma diarnen, bavai de hom en nèt gameicht gem

de sai' dot. Der pischof hòt gabellt hèlven de doi familia. Ver drai nacht ist er gòngen vorr en sai' haus za leing as en bolket a sackl voll va gölt. De earste ont de zboate nòcht ist ölls guat gòngen ober de dritte hòt er der bòlket sperrt pfuun. Der pischof alura hòt er se kroblt finz as en dòch ont hòt s sakl völl galòt turch en kamin. Van sèll vòrt envire, der S. Nicolò ist gadenk abia der haile as trok de gaschenken en de kinder. Er ist pakönnt en de gonze bëlt ont en vil lanter tea' sn vaiern en mearer virm.

En Palai der S. Nicolò geat zòmm pet en engl ont pet en taivl en de haiser van kinder as de song an gapétt ont lai en de brafen lòk er a gschenk.

En Vlarotz de kinder bòrtin en ölla zòmm as en plòtz va de gamoa'. S engl gip aus de gaschenken ont de taivl kemmen za derschreckn de kinder.

LORENZA GROFF

# Nai internetsait ont digitalsinstn ver de inser gamoa'n: an projekt van PNRR

Comune di Palù del Fersina

Amministrazione Novità Servizi Vivere il comune Demografia e popolazione Ambiente Energia Tutti gli argomenti...

NOTIZIE — 25/11/2024

Nuovo sito web e servizi digitali per il cittadino: il Comune ha colto le opportunità offerte dal PNRR

Vour a por bochen sai' kemmen vernaiert ölla de internetsait van inser gamoa'n: de saitn sai' gonz önders ont derzua gem se de megleckheit en de lait za meing pruchen an schoubur digitaldinstn.

De gamoa'n sai' runt vroa gaben za meing gem en de lait de doi internetsait ont a toal digitalsinstn as sai' kemmen veròrbetet pet en vurm mobile-first, as meing pracht kemmen gonz en digital ont as gem de megleckheiten de lait za miasn nèt kemmen en de gamoa'omtn.

S ist gaben a lònka órbet as ist kemmen enviretrong van gamoa'amministratzion zòmm pet de u'stelltn ont der Consorzio dei Comuni Trentini ont Trentino Digitale. En 2020 de Provinz hòt unterschitum a zòmmòrbetdokument pet en zil za digitalisiarn s inser lònt. Der modell ony de strumetn asd sai' kemmen paucht ver za mòchen de nternetsait, sai' de sèlln as sai' kemmen veròrbett van Minister van digitalbècksl ont iberhaup va Designers Italia; pet de doin mittl barn kemmen veròrbetet en kurza zaitn naia dinstn.

Pet doin dinstn, de lait meing vinnen informazionen, mèln se u' pet SPID ofer CIE, schicken vort wronq ont dokumentn ont tea' vil öndra dinger as a vòrt sai' lai en de omtn megleck gaben.

De projektn van nain internetsaitn, sai' meglich gaben geltsgott en zuazoln vourtsechen van Mission M1CI van PNRR ont ibberhaup en Misura 1.4.1 va PNRR.

LORENZA GROFF